

西安碑林全集

開成石經

第一五七卷 春秋左氏傳

有備無患敢以此規公曰
子之教敢不承命抑微
子寡人無以待戎不能濟
河夫賞國之典也藏在盟
府不可廢也子其受之魏
絳於是乎始有金石之樂

禮也秦庶長鮑庶長武帥
師伐晉以救鄭鮑先入晉
地士魴禦之少秦師而弗
設備壬午武濟自輔氏與
鮑交代晉師己丑秦晉戰
于櫟晉師敗績晉勿秦故也

經十有二年春王三月莒
人伐我東鄙圍台季子孫宿
帥師救台遂入鄆夏晉侯
使士魴來聘秋九月吳子
乘卒父之林氏公子貞帥師侵
宋公如晉

傳十二年春莒人伐我東鄙圍台季武子救台遂入鄆取其鐘以爲八之盤夏晉士魴來聘且拜師秋吳子壽夢來臨於周廟禮也凡諸侯之喪由共姓臨於外同

姓於宗廟同宗於祖廟同
族於禰廟是故魯爲諸姬
臨於周廟爲邢凡蔣茅胙
祭臨於周之廟冬楚子
薳婁秦庶長無地伐宋師于
揚汭木以報晉之取鄭也靈

王求后于齊齊侯問對於
晏桓子桓子對曰先王之
禮辭有之天子求后於諸
侯諸侯對曰夫婦所生若
而人妾婦之子若而人無
女而有姊妹及姑姊妹則

曰先守某公之遺女若而
人齊侯許昏王使陰里結
之公如晉朝且拜士魴之
辱禮也秦嬴歸于楚楚司
馬子庚聘于秦爲夫人寧
禮也

經十有三年春公至自晉
夏取邾秋九月庚辰楚子
審卒冬城防
傳十三年春公至自晉子孟
獻子書勞于廟禮也夏邾
亂分爲三師救邾逐取之

凡書取言易也用大師焉
曰滅弗地曰入荀瑩士魴
卒晉侯蒐于緜上以治兵
使士匄將中軍荀曰伯游
長昔臣習於知伯是以佐
之非能賢也請從伯游荀

偃將中軍士匄佐之使韓
起將上軍辭以趙武又使
欒黶辭曰臣不如韓起韓
起願上趙武君其聽之使
趙武將上軍韓起佐之欒
黶將下軍魏絳佐之新軍

無帥晉侯難其人使其什
吏率其卒乘官屬從
軍禮也晉國之民是以大
和諸侯遂睦君子曰讓禮
之主也范宣子讓其下皆
讓欒厭黑爲汰弗敢違也晉

國以平數世賴之刑善也
夫一人刑善百姓休和可
不務乎書曰一人有慶兆
民賴之其寧惟永其是之
謂乎周之興也其詩曰儀
刑文王萬邦作孔子言刑善

也及其衰也其詩曰大夫
不均我從事獨賢言不讓
也世之治也君子尚能而
讓其下小人農力以事其
上是以上下有禮而讒慝
黜遠由不爭也謂之懿德

及其亂也君子稱其功以
加小人小人伐其技以馮
君子是以上下無禮亂虐
並生由爭善也謂之昏德
國家之敝恒必由之楚子
疾告大夫曰不穀不德少

主社稷生十年而喪先君
未及習師保之教訓而應
受多福是以不德而亡師
于鄢以辱社稷爲大夫憂
其弘多矣若以大夫之靈
獲保首領以沒於地唯是

春秋寔宥之事所以從先
君於禰廟者請爲靈壺若厲
大夫擇焉莫對及五命乃
許秋楚共王卒子囊謀謚
大夫曰君有命矣子囊曰
君命以共若之何毀之赫